

Kanta zaharrak
Bergara, Gipuzkoa

Aurkibidea

Biografia

1983an Bergarako kanta-zaharrak biltzeko proiektuaren barruan egin zen grabazio hau. Bertan, kanta zaharrak (lo-kantak, koplak...) abesten dituzte honako lagun hauek: Paula Alberdi, Celestina Oteiza, Garbiñe Irizar, Juana Elkoroiribe, Mertxe Zubiaurre, Nicasio Bilbao, Nicolasa Lazpiur, Pastora Otadui, Rufina Beistegi eta Soledad Jauregi.

Zintak

BER-036

- **Proiektua:** Bergara inguruko kanta zaharrak
- **Elkarrizketatzailea(k):** Arriola, Agurtzane
- **Data:** 1983-01-01
- **Iraupena:** 36 min
- **Euskarria:** Audio Analog
- **Kodifikatzailea:** Alberdi Bilbao, Itziar
- **Transkribatzailea(k):** Agirrebeña, Aintzane
- **Emalea:** Arriola, Agurtzane

Pasarteak

1. Ume-kantak, Rufina Beiztegi abestuta

- **Erref:** BER-036/001
- **Iraupena:** 0:02:10. **Hasi:** 00:00:00. **Bukatu:** 00:02:10
- **Multimedia:** audioa online entzungai

Gaia(k):

- Ohiturak eta bizimodua » Kantak » Ume kantak

Laburpena:

Ume-kantak: "Don-don beledon"; "Lotxua lo eta lo"; "Andres, umia negarrez"; "Txikitxo polit hori" eta beste asko.

2. Santa Agedetako kanta, Rufina Beiztegi abestuta

- **Erref:** BER-036/002
- **Iraupena:** 0:02:01. **Hasi:** 00:02:10. **Bukatu:** 00:04:11
- **Multimedia:** audioa online entzungai

Gaia(k):

- Ohiturak eta bizimodua » Kantak » Bertsoak
- Aisia » Jai-giroa » Santa Ageda

Laburpena:

<p>Santa Ageda egunean eskean egiteko kanta.</p>

Transkripzioa

Hor goian dago iturri,
ura txorrotik erori.
Etxe honetako nagusiko jaunak
hamalau urre txintzarri.

Hamalau urre txintzarriekin
zazpi damaren eduzki.
Orain hemendik bihar genduke
dama gaztia koplatsu.

Damatxo gazte konponitua,
hori kolore gorria.
Zure matrailak iduritzen zait
krabeliñaren orria.

Krabeliñaren orriarekin,
larrosa maiatzekua.
Zeuri begira hementxe nago,
damatxo bihotzekua.

Zakua ere luzia degu,
Matxin Kañasek egiña,
hau guzia betetzeko
etxe on baten allegauko bagiña.

Limosna ere hartu degu ta
orain abia gaitian.

Adiosikan ez degu eta,
agur, ikusi artian.

3. Ume-kantak, Garbiñe Irizarrek abestuta

- **Erref:** BER-036/004
- **Iraupena:** 0:00:25. **Hasi:** 00:04:18. **Bukatu:** 00:04:43
- **Multimedia:** audioa online entzungai

Gaia(k):

- Ohiturak eta bizimodua » Kantak » Ume kantak

Laburpena:

Ume-kantak, Garbiñe Irizarrek abestuta.

4. "Lotxo engaiñadorea" lo-kanta

- **Erref:** BER-036/005
- **Iraupena:** 0:00:13. **Hasi:** 00:04:43. **Bukatu:** 00:04:56
- **Multimedia:** audioa online entzungai

Gaia(k):

- Ohiturak eta bizimodua » Kantak » Ume kantak

Laburpena:

"Lotxo engaiñadorea" lo-kanta.

Transkripzioa

Lotxua lo ta lo
lotxo engaiñadorea
lotxuak engaiñatzen dau
Martintxo guria.

5. "Txalo pin txalo", Soledad Jauregik abestuta

- **Erref:** BER-036/006
- **Iraupena:** 0:00:13. **Hasi:** 00:04:56. **Bukatu:** 00:05:09
- **Multimedia:** audioa online entzungai

Gaia(k):

- Ohiturak eta bizimodua » Kantak » Ume kantak

Laburpena:

"Txalo pin txalo" haur-kanta, Soledad Jauregik abestuta.

Transkripzioa

Txalo pin txalo,
txalo ta txalo
txori txikia
kaiolan dago.

6. "Bonbolontena" lo-kanta

- **Erref:** BER-036/007
- **Iraupena:** 0:00:20. **Hasi:** 00:05:09. **Bukatu:** 00:05:29
- **Multimedia:** audioa online entzungai

Gaia(k):

- Ohiturak eta bizimodua » Kantak » Ume kantak

Laburpena:

"Bonbolontena" lo-kanta, Garbiñe Irizar eta Nicasio Bilbaok abestuta.

Transkripzioa

Bonbolontena, ene laztana
ez egin lorik basuan,
aixeritxuak eamango zaitu
erbia zeralakuan.

7. "Binbili-bonbolo", Garbiñe Irizar eta Nicasio Bilbaok abestuta

- **Erref:** BER-036/008
- **Iraupena:** 0:00:17. **Hasi:** 00:05:29. **Bukatu:** 00:05:46
- **Multimedia:** audioa online entzungai

Gaia(k):

- Ohiturak eta bizimodua » Kantak » Ume kantak

Laburpena:

"Binbili-bonbolo" kanta, Garbiñe Irizar eta Nicasio Bilbaok abestuta.

Transkripzioa

Binbili, bonbolo, sendalo,
akerra Frantzian balego,
akerrak kanta,
idiak dantza,
ahuntzak danboliña jo.

8. "Agur Jesus, Maria eta Jose" gabon-kanta

- **Erref:** BER-036/009
- **Iraupena:** 0:00:27. **Hasi:** 00:05:46. **Bukatu:** 00:06:13
- **Multimedia:** audioa online entzungai

Gaia(k):

- Ohiturak eta bizimodua » Kantak » Gabon kantak
- Erlijioa » Ohiturak eta bizimodua » Eliza giroko ospakizunak » Gabonak

Laburpena:

<p>"Agur Jesus, Maria eta Jose" gabon-kanta, Nicasio Bilbaok abestuta.</p>

Transkripzioa

Agur Jesus, Maria eta Jose,
Joakin eta Ana,

badakigu Jesus maitia
jaio zan gaba dana.

Egiazko berria da ta
behar degu siñistu,
Belenen jaio emen dala
gure salbatzaillea.

9. Antzinako kanta, Soledad Jauregik abestuta

- **Erref:** BER-036/010
- **Iraupena:** 0:00:51. **Hasi:** 00:06:13. **Bukatu:** 00:07:04
- **Multimedia:** audioa online entzungai

Gaia(k):

- Ohiturak eta bizimodua » Kantak » Bestelako kantak

Laburpena:

Antzinako kopla gisako kanta, Soledad Jauregik abestuta.

Transkripzioa

Hor goian dago etxe bat,
jo zagun atia,
erantzungo baluke
gure etxeko andriak.

Birritan ta hiru bider
Joxepek jotzen du,
gizonak bentanara
nekez urtetzen du.

Gizonak bentanatik
dio galdetutzen:
gauaren ordu honetan
zer zabitzete hemen?

Donzella eder bat dakat
nerekin batean,
semea dakarrela
bere sabelean.

Semea ta donzella,
nola ya liteke?
Gizon enbusterua
hortikan jun zaite.

10. "San Martinetan" jolasteko kanta

- **Erref:** BER-036/011
- **Iraupena:** 0:00:21. **Hasi:** 00:07:04. **Bukatu:** 00:07:25
- **Multimedia:** audioa online entzungai

Gaia(k):

- Ohiturak eta bizimodua » Kantak » Bestelako kantak

Laburpena:

<p>"San Martinetan" jolasteko kanta, Garbiñe Irizar eta Soledad Jauregik abestuta.</p>

Transkripzioa

San Martiñetan, San Martiñetan,
zartain jokua, [gu mobiketan],
kulunkan danok, illara baten
ipurdi-lekuak ondo zaintzen.
txirriki, mirriki, txirriki txera
txirriki, mirriki, txirriki, txon/txau.

11. "Honek arrautzia ekarri", atzamarrekin egiteko jolasa

- **Erref:** BER-036/012
- **Iraupena:** 0:00:12. **Hasi:** 00:07:25. **Bukatu:** 00:07:37
- **Multimedia:** audioa online entzungai

Gaia(k):

- Familia eta harremanak » Lagunartea eta familia » Jolasak

Laburpena:

<p>"Honek arrautzia ekarri" atzamarrekin egiteko jolasa, Soledad Jauregik esanda.</p>

Transkripzioa

Honek arrautzia ekarri,
honek zartaiñian jarri,
honek gatza bota,
honek puskat jan
eta beste potolo txiki honek
dana jan!

12. "Lehenengotxu hori" jolasteko kanta

- **Erref:** BER-036/013
- **Iraupena:** 0:01:25. **Hasi:** 00:07:37. **Bukatu:** 00:09:02
- **Multimedia:** audioa online entzungai

Gaia(k):

- Ohiturak eta bizimodua » Kantak » Ume kantak
- Familia eta harremanak » Lagunartea eta familia » Jolasak

Laburpena:

<p>"Lehenengotxu hori" atzamarrekin jolasteko kanta, Nicasio Bilbao eta Garbiñe Irizarrek abestuta.</p>

Transkripzioa

Lenengotxu hori, punta bihetz hori,
beste guztien artian txikia dek hori.

Lara larala...

Bigarrentxu hori, punta bihetz hori,
beste guztien artian nagia dek hori.
Lara larala...

Hirugarrentxu hori, punta bihetz hori,
beste guztien artian luzia dek hori.
Lara larala...

Laugarrentxu hori, punta bihetz hori,
Beste guztien artian bixkorra dek hori.
Lara larala...

Bosgarrentxu hori, punta bihetz hori,
beste guztien artian lodia dek hori.

13. "Unetan, dosetan" jolaserako kanta

- **Erref:** BER-036/015
- **Iraupena:** 0:00:21. **Hasi:** 00:09:10. **Bukatu:** 00:09:31
- **Multimedia:** audioa online entzungai

Gaia(k):

- Ohiturak eta bizimodua » Kantak » Ume kantak

Laburpena:

"Unetan, dosetan", tortolosekin jolasean abesten den kanta, Garbiñe Irizar eta Soledad Jauregi.

Transkripzioa

(Unetan, dosetan, tresetan)
Kriskitin, krauskitin,
larrosa, krabelin,
basua kristalezkua,
kopia urrezkua.
Kriskitin, krauskitin,
larrosa, krabelin,
Mariandresen okotza,
lau libra ta bost ontza.

14. "Gabon gabon seta" gabon-kanta, Garbiñe Irizarrek abestuta

- **Erref:** BER-036/016
- **Iraupena:** 0:00:10. **Hasi:** 00:09:31. **Bukatu:** 00:09:41
- **Multimedia:** audioa online entzungai

Gaia(k):

- Ohiturak eta bizimodua » Kantak » Gabon kantak
- Erljioa » Ohiturak eta bizimodua » Eliza giroko ospakizunak » Gabonak

Laburpena:

<p>"Gabon gabon seta", gabon-eskean joaten zirenean abesten zen kanta, Garbiñe Irizarrek abestuta.</p>

Transkripzioa

Gabon gabon seta,
erro zabal seta.
Jauna jaio dala
jo deigun krisketa!

15. San Nikolasen kanta, Soledad Jauregik abestuta

- **Erref:** BER-036/017
- **Iraupena:** 0:00:33. **Hasi:** 00:09:41. **Bukatu:** 00:10:14
- **Multimedia:** audioa online entzungai

Gaia(k):

- Ohiturak eta bizimodua » Kantak » Bestelako kantak
- Erlijioa » Ohiturak eta bizimodua » Eliza giroko ospakizunak » Gabonak

Laburpena:

<p>Gabonetan eskean joaten zirenean abesten zen San Nikolasen kanta, Soledad Jauregik abestuta.</p>

Transkripzioa

Ale, ale alegría
todo el mundo [ez al da egia].
Aquí estamos cuatro,
cantaremos dos
por una limosnita
del amor de dios.
Angelitos solomos
suspi-suspiramos
para merendarnos
si nos dan,
no nos dan,
un par de txorixo pikante
neskaren zakurako
mutillaren triparako!

16. Ume-kantak, Celestina Oteizak abestuta

- **Erref:** BER-036/023
- **Iraupena:** 0:00:22. **Hasi:** 00:11:38. **Bukatu:** 00:12:00
- **Multimedia:** audioa online entzungai

Gaia(k):

- Ohiturak eta bizimodua » Kantak » Ume kantak

Laburpena:

Ume-kantak, Celestina Oteizak abestuta: "Antxon bat eta Antxon bi", "Txalo txalopin" eta "Bela bela kandela" .

Transkripzioa

Antxon bat eta Antxon bi,
Antxon potzura erori.
Erori bazan erori,
ez da behinguan ageri.

Txalo, txalo, pin
mañana melotxin
aitta tabernara,
ama elizara.

Bela, bela, kandela,
ordu bixak jo dabela,
hor datorrela maistrua
azotak emotera.

17. "Kukurruku" jolasteko kanta, Celestina Oteizak abestuta

- **Erref:** BER-036/024
- **Iraupena:** 0:00:21. **Hasi:** 00:12:00. **Bukatu:** 00:12:21
- **Multimedia:** audioa online entzungai

Gaia(k):

- Ohiturak eta bizimodua » Kantik » Bestelako kantik

Laburpena:

<p>"Kukurruku" jolasteko kanta, Celestina Oteizak abestuta.</p>

Transkripzioa

Kukurruku,
zer diñozu?
Ze dozu?
Buruan min,
Zeiñek ein?
Oillarrak.
Nun da bera?
Basuan.
Zetan?
Zotzak batzen.
Zotzak zetako?
Sua eitteko.
Sua zetako?
Opilla erretzeko.
Opilla zetako?
Zerura juateko.
Zerua zetako?
Pastelak jateko.

18. "Norena, norena" lo-kanta, Celestina Oteizak abestuta

- **Erref:** BER-036/025
- **Iraupena:** 0:00:12. **Hasi:** 00:12:21. **Bukatu:** 00:12:33

- **Multimedia:** audioa online entzungai

Gaia(k):

- Ohiturak eta bizimodua » Kantak » Ume kantak

Laburpena:

"Norena, norena" lo-kanta, Celestina Oteizak abestuta.

Transkripzioa

Txikitxu politori,
norena, norena?
Norena izango naiz, ba,
aitena ta amena.

19. "Txikitxo polit hori", Paula Alberdik abestuta

- **Erref:** BER-036/037
- **Iraupena:** 0:03:21. **Hasi:** 00:19:23. **Bukatu:** 00:22:44
- **Multimedia:** audioa online entzungai

Gaia(k):

- Ohiturak eta bizimodua » Kantak » Ume kantak

Laburpena:

"Txikitxo polit hori" lo-kanta, Paula Alberdik abestuta.

Transkripzioa

Txikitxo polit hori
zeu nere laztana,
katigatu ninduzun
[libria] nintzana.

Libriak libre dira,
zu ta ni katibu,
librerik hobe dana
guztiok dakigu.

Nere maiterik ederrenen honi
usakumiak ekarri
beste guztiri bana edo biña,
Arkaiztxori hamabi.

Tringulo-trangulo mariña,
beti honelan bagiña.
Beti honelan izateko
poltsia dago ariña.

Txikitxo polit hori,
norena zera zu?
Norena izango naiz,
jangoikuarena.
Norena? Norena?
Norena izango naiz,
jangoikuarena.

Arrateko zelaiko
lirio loria,
handitxe gora dago
zerura bidia,
handitxe gora dago
zerura bidia.

Txiki-txikitxua ta
polit-politxua,
nori eman diozu
neuri agindua?

Ez nizun agindu ta
ezta bihar ere,
zure agindu bihar
ez nago neu ere.

Lotxua lo ta lo,
zuk orain era nik gero,
zeuk gura dozun orduren baten
biok egingo degu lo.

Lua enda lua,
luaren goxua,
luak engaiñatzen dau
gure umetxua.
Luak engaiñatzen dau
gure umetxua.

Lotxo engaiñadore
traidore faltsua,
luak engaiñatzen dau
geure umetxua.

20. Antzinako kanta, Paula Alberdik abestuta

- **Erref:** BER-036/038
- **Iraupena:** 0:00:20. **Hasi:** 00:22:44. **Bukatu:** 00:23:04
- **Multimedia:** audioa online entzungai

Gaia(k):

- Ohiturak eta bizimodua » Katak » Ume kantak

Laburpena:

<p>Antzinako kanta, Paula Alberdik abestuta.</p>

Transkripzioa

Zeru goira igo nintzan
santuagaz aitortzera
penitentzi jarri zidan
gehiegi ez maitatzea.

21. "Abarketak urratuta" zortzikoa, Paula Alberdik abestuta

- **Erref:** BER-036/039
- **Iraupena:** 0:00:16. **Hasi:** 00:23:04. **Bukatu:** 00:23:20
- **Multimedia:** audioa online entzungai

Gaia(k):

- Ohiturak eta bizimodua » Kantak » Bestelako kantak

Laburpena:

<p>"Abarketak urratuta" zortzikoa, Paula Alberdik abestuta.</p>

Transkripzioa

Abarketak urratuta
zapatarik ez,
Bermeon gelditu nintzan
oiñeko miñez.
Hauxen dok egia,
zortziko berria,
hiru txikin ardorekin
librako ogia.

22. Politika arloko bertso zaharrak

- **Erref:** BER-036/040
- **Iraupena:** 0:03:22. **Hasi:** 00:23:20. **Bukatu:** 00:26:42
- **Multimedia:** audioa online entzungai

Gaia(k):

- Politika » Jarrera politikoak » Abertzaleak
- Ohiturak eta bizimodua » Kantak » Bertsoak

Laburpena:

<p>Politika arloko bertso zaharrak: abertzaletasuna; alderdi politikoak.</p>

Transkripzioa

Azaroaren hogeta hamarra
Gasteiztik izentatua,
borondatia erakusteko
txik egun aukeratua.
Euskaldunok pin lahiatutzeko
hain gauza beharrezkua
zein alderdiri edo nolatan
eskeiñi geure botua.
Itsu-mitsuan jokatu gabe
atera zaigun kontua. (bis)

Eusko Alderdi Jeltzale hori
gogor ahalegindu zaigu
premiñan giñan nekazarieri
lagun asko egin digu.
Arrantzale ta gaiñontzekoari
berberak entzuten [digu]
diputado sendo batzuen
beharrak ere badaukaguz.

Arrazoizkoak baldin bagera
atera behar ditugu. (bis)

Ama bat izenagatik
asko dira bera ukatzen dutenak
behin ta betiko lurperatzea
poza hartuko lutekenak.
Etxia galdu ta erbesteakin
ondo konpontzen diranak.
Boto garaian esanagatik
hoiek dirala onenak,
horrelakoei ezin lagundu
euskaldun jatorra danak.

Arana Goiri bide garbia
ez dago arantz lakarrik
ta politiko askoren gisan
lohitan ibili beharrik.
Hainbat denboran buru izan da
egin dau lan ederrik,
ez zaiguzute aitatu orain
eskubi eta ezkerrik.
Lagun txarrakin batuta baiño
hobe da bakar-bakarrik.

Gu txikittu ta hondatu nahirik
ziran lehen bat eta beste
hor hurrunean hitz egindako
haietzat oroi zaitez.
Euskaldunogatik asmatuak
hala esanak dituzte,
boto garaian atea juaz
datoz laguntzaren eske,
hain maite duten Ebro
harunzko partera juan litazke.

Aberzale edo nazionalistak
dute behar dan jokera,
baserritarrek izenagatik
ondo konturatu gera.
Guk egin behar deguna orain
diputaduak atera
guazen, anaiak, danok, botuak
gizon hoiei ematera.

Nagusi, morroi, aberas, pobre,
danok familian ditu,
zintzo jokatu ohi dana beti
laguntzailleak baditu,
etsai guztiak zapaldu arte
ez gaitezela gelditu.

23. Gudariak hizpide dituzten bertso zaharrak

- **Erref:** BER-036/041

- **Iraupena:** 0:01:02. **Hasi:** 00:26:42. **Bukatu:** 00:27:44
- **Multimedia:** audioa online entzungai

Gaia(k):

- Politika » Gerra zibila (1936-1939)
- Ohiturak eta bizimodua » Kantak » Bertsoak

Laburpena:

Gudariak hizpide dituzten bertso zaharrak.

Transkripzioa

Hiru anaiok gudari giñan,
bat hil digu reketiak
modu honetan agintzen zuan
jaunaren borondatiak.
Pena ematen dit etxera juanda
hau amari esatiak.
Arrazoiakin negar galantak
egingo ditu maitiak.

Gudari hasi [gen] ta gudari
segituko dio honezkero
horrelakorik ikusterikan
ez genduen asko espero.
Irabazita daukula diote
hizketan hasi ezkerro.
Irabazia zertarako da
anaia galdu ta gero?

24. "Kukurruku jauna" jolasteko kanta

- **Erref:** BER-036/042
- **Iraupena:** 0:00:20. **Hasi:** 00:27:44. **Bukatu:** 00:28:04
- **Multimedia:** audioa online entzungai

Gaia(k):

- Ohiturak eta bizimodua » Kantak » Bestelako kantak

Laburpena:

<p>"Kukurruku jauna" jolasteko kanta.</p>

Transkripzioa

Kukurruku jauna
Nun da aitta-jauna?
Artalia batzen.
Artalia zetako?
Oilluarendako.
Oillua zetako?
Arrautzia eitteko.
Arrautzia zetako?
Prijiduta jateko!

25. "Plaentxiatarrak" antzinako kanta, Paula Alberdik abestuta

- **Erref:** BER-036/043
- **Iraupena:** 0:00:15. **Hasi:** 00:28:04. **Bukatu:** 00:28:19
- **Multimedia:** audioa online entzungai

Gaia(k):

- Ohiturak eta bizimodua » Kantak » Bestelako kantak

Laburpena:

<p>"Plaentxiatarrak" antzinako kanta, Paula Alberdik abestuta.</p>

Transkripzioa

Plaentxiatarrak esaten dotse
errekiari ibaixa
hartuko leuke boltsillorako
bost pezetako zurixa.

26. "Larrosatxuak" kanta, Paula Alberdik abestuta

- **Erref:** BER-036/044
- **Iraupena:** 0:00:15. **Hasi:** 00:28:19. **Bukatu:** 00:28:34
- **Multimedia:** audioa online entzungai

Gaia(k):

- Ohiturak eta bizimodua » Kantak » Bertsoak

Laburpena:

<p>"Larrosatxuak" antzinako kanta, Paula Alberdik abestuta.</p>

Transkripzioa

Larrosatxuak bost orri ditu
krabeliñiak hamabi,
etxe hontako dama maitiak
aingerutxua dirudi.

27. "Nere txikitxo politen honi", Paula Alberdik abestuta

- **Erref:** BER-036/045
- **Iraupena:** 0:00:18. **Hasi:** 00:28:34. **Bukatu:** 00:28:52
- **Multimedia:** audioa online entzungai

Gaia(k):

- Ohiturak eta bizimodua » Kantak » Ume kantak

Laburpena:

"Nere txikitxo politen honi" lo-kanta, Paula Alberdik abestuta.

Transkripzioa

Nere txikitxo politen honi
zeiñek ein dion baneki
neronek ere egingo nioke
beste hainbeste berari.

28. "Artajorrara nua" trikiti-kopla, Paula Alberdik abestuta

- **Erref:** BER-036/046
- **Iraupena:** 0:00:11. **Hasi:** 00:28:52. **Bukatu:** 00:29:03
- **Multimedia:** audioa online entzungai

Gaia(k):

- Ohiturak eta bizimodua » Kantak » Bertsoak

Laburpena:

"Artajorrara nua" porrusaldarako kopla, Paula Alberdik abestuta.

29. "Aittitta ta amama" ume-kanta, Paula alberdik abestuta

- **Erref:** BER-036/047
- **Iraupena:** 0:00:19. **Hasi:** 00:29:03. **Bukatu:** 00:29:22
- **Multimedia:** audioa online entzungai

Gaia(k):

- Ohiturak eta bizimodua » Kantak » Ume kantak

Laburpena:

"Aittitta ta amama" ume-kanta, Paula Alberdik abestuta.

Transkripzioa

Aittaitta ta amama
juan ziran mendira,
aixkoria galduta hasarretu ziran.
Aittaittak amamari kopetatik tira,
amamak aittaittari belarritik tira.

30. "Ama zuriak neri" kanta, Paula Alberdik abestuta

- **Erref:** BER-036/048
- **Iraupena:** 0:00:44. **Hasi:** 00:29:22. **Bukatu:** 00:30:06
- **Multimedia:** audioa online entzungai

Gaia(k):

- Ohiturak eta bizimodua » Kantak » Bestelako kantak

Laburpena:

"Ama zuriak neri" kanta, Paula Alberdik abestuta.

31. "Astelehenian" kanta, Paula Alberdik abestuta

- **Erref:** BER-036/049
- **Iraupena:** 0:00:15. **Hasi:** 00:30:06. **Bukatu:** 00:30:21

- **Multimedia:** audioa online entzungai

Gaia(k):

- Ohiturak eta bizimodua » Kantak » Bestelako kantak

Laburpena:

<p>"Astelehenian ezkondu nitzan..." antzinako kanta, Paula Alberdik abestuta.</p>

Transkripzioa

Astelehenian ezkondu nitzan,
martitzenian basora,
eguaztenian orbela batu
eguenian etxera.

32. Antzinako kanta, Paula Alberdi abestuta

- **Erref:** BER-036/050
- **Iraupena:** 0:00:22. **Hasi:** 00:30:21. **Bukatu:** 00:30:43
- **Multimedia:** audioa online entzungai

Gaia(k):

- Ohiturak eta bizimodua » Kantak » Ume kantak

Laburpena:

<p>"Nere maite polita" antzinako kanta, Paula Alberdik abestuta.</p>

Transkripzioa

Nere maite polita
Donostian dago
Iparra gura leuke,
Mendebala dago.

Hau da zorioneko
mendebal urtia
iparrikan behin ere
atera gabia.

33. "Antxiketan, pontxiketan" kanta, Paula Alberdik abestuta

- **Erref:** BER-036/051
- **Iraupena:** 0:00:15. **Hasi:** 00:30:43. **Bukatu:** 00:30:58
- **Multimedia:** audioa online entzungai

Gaia(k):

- Ohiturak eta bizimodua » Kantak » Bestelako kantak

Laburpena:

<p>"Antxiketan, pontxiketan" kanta, Paula Alberdik abestuta.</p>

34. "Urkiola gaiñian" trikiti-kopla, Paula Alberdik abestuta

- **Erref:** BER-036/052
- **Iraupena:** 0:00:09. **Hasi:** 00:30:58. **Bukatu:** 00:31:07
- **Multimedia:** audioa online entzungai

Gaia(k):

- Ohiturak eta bizimodua » Kantak » Bertsoak

Laburpena:

"Urkiola gaiñian" porrusaldarako kopla, Paula Alberdik abestuta.

Ahotsak.eus-eko edukiarekin sortutako dokumentu automatikoa.

2026-02-20

CC-by-sa | Ahotsak.eus

Badihardugu Euskara Elkartea

Markeskua Jauregia, 20600 Eibar

943121775 - ahotsak@ahotsak.com